

URB – UNIUN DILS ROMONTSCHS EN LA BASSA

Inscunter interrumentsch a Turitg *Cun Domenic Janett, musicist dils Fränzlis da Tschlin*

La URB – Uniun da las rumantschas e dals rumantschs en la bassa – envida sin gievgia, gl'emprem da mars naven dallas 19.00 a siu emprem inscunter interrumentsch dad uonn. Quella gada puspei en la Giesserei Oerlikon-Turitg, Birchstrasse 108. Hosp dalla sera ei *Domenic Janett*, il clarinettist dils renomai Fränzlis da Tschlin.

Domenic Janett ei oriunds da Tschlin e viva ussa a Stugl en la vischinoza da Bravuogn. El ei magister da musica, cumponist, clarinettist e saxafonist. Da giuven ha el fatg gl'empredissadi da scrinari. Cura ch'el mava en l'emprema secundara vevan ses geniturs regalau ad el in saxafon. Cun siu aug Clà exercitava el pruamein entochen ch'il giavisch dad empruar ora la clarinetta ei seregeglias. Quella ha el lura survegniu a caschun da sia confirmaziun.

Els onns 70 aveva la Televisiun Rumantscha dedicau in purtret al saxofonist e clarinettist. Da quei temps studegiava Domenic Janett al conservatori a Turitg. La scola aulta da musica aveva priu si el era sch'el saveva lu gnanc leger notas. Bein perquei ch'el era quei ch'ins numna in „talent natural“. Sco muscist en differentas formaziuns, denter auter cun „Engadiner Ländlerfunda“ e surtut sco clarinetist genial dils „Fränzlis da Tschlin“ eis el vegnius enconuschents lunsch sur las scheinas grischunas ora. Igl onn 2016 ha el obteniu il premi cultural dil cantun Grischun per sia ovra da veta sco musicist, scolast da musica, dirigent ed arranschader da musica populara.

Nus savei selegrar sin ina sera cun musica deletgeivla da differentes geners e sin in musicist da professiun cun in agen humor e che demonstrescha sin la clarinetta en sia moda senza paregl co ins sa sunar il medem toc sin diversas modas e manieras.

Ei vegn offeriu in aperitiv. Tier in bien sitg datti era temps e peda per in bien discuors. Ins sa era empustar ina fina tschaina. Fagiai paleis questa occurrenza ad enconuschentas ed enconuschents. Sin seveser!

La serada entscheiva entuorn las 19.00. Ins sa era vegnir pli tard cura ch'igl ei. Sin seveser gl'emprem da mars ad Oerlikon.

La Giesserei ei da contonscher naven dalla staziun Oerlikon en ca. 10 minutas a pei en direcziun da Regensbergbrücke tras Affolternstr. – Oleanderstr. – Regensbergstr.- Birchstr.

Ulteriuras infurmaziuns sut: www.uniun-urb.ch e www.facebook.com/uniun.urb/

Per la URB
Ciril Berther

Proxim inscunter

Gievgia, ils 3 da matg ad Oerlikon-Turitg



Doemenic Janett en acziun